



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput VIII. Idem (a) Episcopo Gerundensi.

[urn:nbn:de:hbz:466:1-74533](#)

permanere. Si autem id occultum fuerit, & secretum, paenitentiam de commissione debet accipere, & uxori sua infra tempus paenitentiae, vel extra, debetum si exegerit, solvere. Sane si aliquam uxoris sua consanguineam, qua illam in tertio, vel alio deinceps gradu coniungat, carnali commixtione cognoverit, non est propterea inter eos sententia a morte celebra, sed delinquenti secundum qualitatem per-

fina, & criminis est paenitentia injungenda. Consenit Alex. III. in cap. 2. hoc titul. int. collect. Unde recte Basil. Legion. lib. 6. de matrim. cap. 13. num. 9. reprehendit Thomam Sanchez de matrim. dis. 15. num. 13. dum docet hoc impedimentum incestus incurri, et si delictum occultum sit, cum hoc expresse statuerint Alex. & Urbanus in predictis juribus.

CAPUT VII.

Idem (a) *Bizuntingo Archiepiscopo.*

Fraternitati tuae super (b) tribus capitulis Sedem Ap. consulenti, ad cuius con-

filium est in rebus dubiis à cunctis fidelibus recurrentum, scriptis presentibus re-

spondemus: in primo divortii sententiam approbantes, quam in eum canonice pro-

mulgasti, qui illam sibi postea copulare presumpsit, cuius antea sororem adhuc septen-

nem contractis sponsalibus extraordinaria libidine noscitur (c) polluisse.

NOTÆ.

- (a) **B**izuntingo J. Ita etiam legitur in tertia col-
- lectione, sub hoc titul. cap. 2. De Bizuntinga Metropolitensi in cap. 52. de electione.
- (b) **Tribus capitulis.**] Quæ reperiuntur in præ-
- senti, & in cap. fraternitati, de clero ex communica-
- tio. cap. fraternitati, de schismaticis.
- (c) **Polluisse.**] Sed tunc obstat textus in cap. ex-
- traordinaria 35. q. 1. ubi docetur, extraordinariam pollutionem non esse impedimento nuptiis, &
- merito, cum affinitas non oriatur ex copula, ubi
- commixtio sanguinis non intercessit, ut docue-
- runt pluribus relatis Cenedo ad decret. collect. 19.
- Pichardus ad tit. de gradibus, n. 29. Cui difficultati respondendum est, in præsenti specie impe-
- dimentum affinitatis non oriri ex extraordinaria,
- idest præposta libidine, sed ex pollutione
- extraordinaria, idest intempestiva, importuno
- congressu, cum septenni videlicet, non servato
- natura tempore debito: immò & ut verius cre-
- do, impedimentum, de quo in præsenti textu,
- non provenit tam ex affinitate, quam ex publica
- honestate ex sponsalibus orta, juxta tradita in
- cap. 3. de sponsalibus, ubi docuit Cujacius, & Pi-
- chardus ubi supra, num. 31.

CAPUT VIII.

Idem (a) *Episcopo Gerundensi.*

EX litteris fraternitatis tuae accepimus, quod G. lator carum matrem puellæ, quam intra nubiles annos desponsaverat in uxorem, carnaliter sæpe cognovit, & post carnali commixtione puellam tractavit adultam. *Et infrā:* Nos autem eidem viro paenitentiam injungi fecimus pro peccato, consultationi tuae respondentes, quod eis ab invicem separatis, mulier alteri viro non nubat, si postquam novit viri & matris delictum, ei non erubuit commisceri: vir etiam & mater mulieris nunquam debent ad alias nuptias convolare, sed semper (b) continentiam servare tenentur, & enorme deflere delictum, quod pro nefanda libidine contraxerunt, præsertim si circa personas hujusmodi de lapsu carnis minimè timeatur.

NOTÆ.

- (a) **G**erundensi. In tertia collectione, sub hoc titul. cap. 3. legitur Gradenſi Episcopo: sed male, cum Gradenſis Ecclesia Patriarchalis fit, & ejus Præfuli sub nomine Patriarchæ re-scribatur in cap. ex litteris de elect. Retinenda est ergo lectio Gerundensi. Gerunda autem est civitas perantiqua Hispania, Provincia Tarraco-nensis, in Catalonia Comitatu, apud Sambro-
ca fluvii ostia, media ferè inter Perpinianum, & Barcinonem sita: hodie Girona dicta, de qua Ptolomeus, & Plinius lib. 3. capite 3. Circa
- ejus conditorem non consentiunt Episcopus Gerundensis in Paralip. iii. de Viribus ante ad-ventum Herculis, Pujada lib. 1. Histor. Ca-talonia, cap. 17. Tamayus à Salazar die 17. Januarii, & 18. Martii. Hujus antiquissimæ Ur-bis cives fidem Catholicam acceperunt à D. Jacobo, ut probat Tamayus à Salazar tom. 5. martyrol. Hispan. die 3. Septembris; à quo tem-pore Ecclesia Cathedrali decorata est, cuius Præfuli Arnoldo 7. hujus nominis missa est præ-sens Decretalis.
- (b) **C**ontinentiam servare.] Juxta tradita suprà in cap. I. hoc titulo.

CAPUT